

РЕВОЛЮЦИН ЗАЛЬД

(Экльцнь урдк номерт).

Көдлмшчнр, салдсмуд болн матросмуд—15 күүнәс революционн комитет суньгъхми гисн шиидвр хургин сүүләр багдлдж авцхав.

Тер 15 күүнә тоод, Павловск полкии делегат болдж, би бас суньгъгдв.

Хургиг хааджагъад, ахлач келв: Революционн комитет цаг тудәлго көдлмшиннь зура кедж авх зөвтә.

Революционн комитетин сегләрт намаг суньгъв. Би заседанә протокол бичүв, тер заседаньд чинртә негл төр күүндгдлә: Цаг зуурин правительствиг эрк биш хольвддж, цуг йосиг көдлмшчнрин, крестьянсин болн салдсмудин депутатнрин Советст өгхми,—гисн төр.

Ленинүр, Кшесинск бәәшнъгүр, делегац эрк биш илгәхми,—гисн даки нег төр заседаньд күүндгдхд тәвхми гидж би селвг өгүв.

Мини селвг авгдв. Делегац 5 күүнәс суньгъгдв. Хойр көдлмшч, хойр салдс, нег матрос суньгъгдв. Делегатир-салдсмудин тоод би бас тусув.

Бидн уульнцд гарч ирад, Кшесинск бәәшнъ тал гарад

йовхламдн, нарч суухдан өбрдәд ирв.

Хаалгъ деер манла автомобиль харгъв. Гар-гарасн бәрлчкәд, хаалгъин тал дунд зогсчкәд:

—Зогс!—гидж шоферт хәәкрвдн.

Автомобиль дотр портфельтә күн суудж. Терүнә кучрдәд одси өнъгнъ, цәәгъад одси чирәгъәрнъ медгдв.

—Кен йовна?—гидж би сурув.

—Львов нойна туслнъ даалгъврин чиновник!—гидж портфельтә күн хәрү өгв.

—Бу! Тер үг сонъсал, ә гарлго, машинәсн буугъад, уульнцин тал дунд тер зогсв.

Шофер, ормасн көндрлго, яяхм гисн дүртәгъәр манур хәләв.

—Кшесинск бәәшнъгүр! Шулун йовул!—гидж матрос командлв.

Шофер тагчгар рычаг дарв, автомобиль хурдар уульнцар гүүв.

Би ардан хәләхләм, портфельтә чиновник, негл көлинъдорк ормань күлчкесн мет, урдк кевәрн уульнцд көндрлго зогса бәәснъ үзгдв.